

2011-mi tunisassiornermi atuinermilu tabeli

Novemberip qiteqqunnerani tunisassiorneq aallaavigalugu nuna tamakkerlugu naatsorsuutit saqqummiunneqarnerannut uiggiullugu, Naatsorsueqqissaartarfik matumuuna tunisassiornermi atuinermilu (Input-Output) tabelimik saqqummiussivoq, ukiumi inaarutaasumik naatsorsuuteqarfiusumut.

Input-Output tabelinik suliaqarnerup siunertaraa kisitsisinik atuisartut periarfissinniarlugit paasissutissanik taavalu misissuinerni paasisimalikkanik, tunisassiorneq aallaavigalugu nuna tamakkerlugu naatsorsuutininngaaneersunit, atuilluarnerusinnaanissaannik.

*Input-output
tabeli suua?*

Input-Output tabelip imarivai paasissutissat inuiaqatigiit tunisassioriaasiannut tunngasut, taavalu nioqqutissianik kiffartuussinernillu atueriaatsinik tunngasut. Taamaallilluni tabelit nuna tamakkerlugu naatsorsuutitut erseqqissaa-nertut isigineqarsinnaapput.

Tabelimi takuneqarsinnaavoq inuutissarsiorfiit ataasiakkaat nioqqutissanik sullissinernillu inuutissarsiorfinnit allaniit pissarsisarnerat, aammalu nioqqutissanik sullissinernillu avataaniit eqqussukkanik pissarsisarnerat. Aammat-taaq tabelimi takuneqarsinnaapput atueriaatsit, soorlu inuinnaat, pisortat imaluunniit aningaasaliinerit, inuussutissarsiuteqarfinniit ataasiakkaaniit nioqqutissanik nammeneq tunisassianik taavalu eqqussukkanik pissarsisarnerat.

Saqqummersitanittaaq takuneqarsinnaapput amerlisaatinik (multiplikatorer) taaneqartartut, tassaasut Input-Output tabeli tunngavigalugu naatsorsugaa-sartut. Amerlisaatit atorlugit naatsorsorneqartarput, toqqaannartumik toqqaannangitsumillu sulisoqarnikkut atorfissaqartitsinerup aammalu nioqqutissanik sullissinernillu eqqussuinerulernissamik pisariaqartitsinerup qanoq annertutigisinnaaneri, atorfissaqartitsineq ataatsimik qaffakkaangat.

Pdf-fiili

Saqqummersitaq pdf-fiilinngorlugu Naatsorsueqqissaartarfiup nittartagaani www.stat.gl-mi pissarsiarineqarsinnaavoq.

Excel-fiili

Input-output tabelit aammattaaq excel-fiilinngorlugu Naatsorsueqqissaartarfiup nittartagaani www.stat.gl-mi aaneqarsinnaavoq.

*E-mailikkut
pisartagaqalerit*

Qarasaasiakkut nutaarsiassaqaartitsivitsinnut ilanngugit e-mail una bova@stat.gl allagaqarfigalugu.

Apeqquutissaqaruit Naatsorsueqqissaartarfiup pisortaa Anders Blaabjerg e-mailikkut abla@stat.gl (oqarasuaat 34 57 81) saaffiginnissinnaavutit.

Inussiarnersumik inuulluaqqusillunga

Anders Blaabjerg

Naatsorsueqqissaartarfiup pisortaa